

nostros Amedeum comitem Sabaudie et Iohannem Dalphynum Vianne et Albonis comitem dominumque de Turre, nos cupientes dictos fideles nostros ad bonam pacem, tranquillitatem et concordiam reducere, de voluntate dicti comitis et venerabilis et religiosi ac honesti viri fratris Petri prioris Sancti Valerii decretorum doctoris et nobilis viri Guigonis de Bellovidere domini dicti loci et sapientis ac discreti viri magistri Andree Bonivini utriusque iuris periti nunciorum et procuratorum dicti Dalph(in)i, de qua procuracione nobis fidem plenam fecerunt per instrumentum publicum sigillo dicti Dalphini sigillatum, ordinamus et disponimus super questionibus predictis et eventuris et dependentibus ex eisdem in hunc modum: (2) Primo videlicet quod treuge sint inter predictos comitem et Dalph(inu)m pro se et pro eorum hominibus, vasallis, valitoribus et coadiutoribus ipsorum et firme et rate permaneant, et easdem treugas prorogamus et de novo damus, ordinamus et facimus inter ipsos a festo assumptionis beate Marie Virginis proxime venturo¹ in unum annum continuum et completum, sub eisdem pactis, formis, clausulis, condicionibus, obligacionibus et aliis quibuscunque contentis in treuga et forma treuge olim facte inter predictos comitem et Dalph(inu)m per excellentem dominam Agnetam ducissam Burgundie. Item volumus, precipimus et mandamus, quod omnes baillivi ac eciam castellani dictorum comitis et Delph(in)ni, qui nunc sunt et qui pro tempore fuerint in marchiis et locis contenciosis et vicinis ipsorum, iurare super sancta Dei ewangelia teneantur, dictas treugas inviolabiliter observare et contra eas nullatenus facere nec contrafacienti aliquatenus prebere consensum et dampna, que fient incontinenti, facere emendari. (3) Secundo quod cum tractatus pacis olim habitus fuerit inter predictos comitem et Dalph(inu)m iuratus ab utraque parte, ut dicitur, per venerabilem virum fratrem Aym(onem) abbatem Sancti Antonii in Vienna et nobilem virum Guig(onem) Alamandi dominum de Valboneys militem ac religiosum virum fratrem Willelmum preceptorem Sancti Antonii de Chamberi apud hospitale sancti Iohannis situm inter Voy(rer) et Moyre(us), quod dictus tractatus inspiciatur et per eosdem ad memoriam reducatur, ut citius et comodius fieri poterit per tractatores predictos. Et si concordēs fuerint de tractatu, procedatur in ipso tractatu et per predictos comitem et Dalph(inu)m ad effectum perducatur, in quan-

1) Aug. 15.